

四庫全書

集部

欽定四庫全書

唐詩鏡卷三十五

明 陸時雍 編

中唐第七

于鵠

隱居於漢陽大厯間應薦起歷諸府從事有集一卷

于鵠氣局淺狹

然語有實際

五言古詩

過凌霄洞天謁張先生祠

戢戢亂峰裏一峰獨凌天下看如火高上有十里泉志  
人愛幽深一住五十年懸牘到其上乘牛耕藥田衣食  
不下求乃是雲中仙山僧獨知處相引衝碧烟斷崖畫  
昏黑槎枲橫隻椽面壁攀石稜養力方敢前累歇日已  
沒始到茅堂邊見客不問誰禮質無周旋醉卧枕欹樹  
寒坐展青氍折松掃藜牀秋菓顏色鮮鍊蜜敲石炭洗  
澡乘瀑泉白犬舐客衣驚走聞腥膻乃知軒冕徒寧比  
雲壑眠

能言其際  
亦有氣格

寄盧儼員外秋衣詞

寄遠空以心心誠亦難知篋中有秋帛裁作遠客衣縫  
製雖女工尺度手自持容貌常目中長短不復疑斜縫  
密且堅遊客多塵縑意欲都無言澣濯耐歲時殷勤託  
行人傳語慎勿遺別來已年老亦間鬢成絲縱然更相  
逢握手唯是悲所寄莫復棄願見長相思

山中訪道者

觸烟入溪口岸岸唯檉櫟其中盡碧流十里不通屐出  
林山始轉絕徑緣峭壁把藤借行勢側足憑石脉頗牙  
斷行處光滑猿猴跡忽然風景異乃到神仙宅天晴茅  
屋頭殘雲蒸氣白隔窓梳髮聲久立聞吹笛抱琴出門  
來不顧人間客山院不灑掃四時自虛寂落葉埋長松  
出地纔數尺曾讀上清經知注長生籍願示不死方何  
山有瓊液

寫景如  
紀事語

早上凌霄第六峰入紫谿禮白鶴觀祠

路轉第六峰傳是十里程放石試淺深硯壁地鳥驚欲  
下先褰衣路底避枯莖迴途歇嵌崖整帶重冠纓及到  
紫石溪晻晻已天明漸近神仙居桂花濕溼溼陰苔無  
人蹤時得白鶴翎忽然見朱樓象牌題玉京沉沉五雲  
影香風散縈縈清齋上玉堂窻戶懸水精青童撞金屑  
杵臼聲丁丁臙腥遙問誰稽首稱姓名若容在溪口願  
乞殘雲英

古挽歌

雙轍出郭門綿綿東西道送死多於生幾人得終老見  
此切肺肝不如歸山好不聞哀哭聲默默安懷抱時盡  
從物化又免生憂擾世間壽者稀盡為悲傷惱

三四真至  
語最痛

五言律詩

送韋判官歸薊門

桑乾歸路遠聞說亦愁人有雪常經夏無花空到春下

營雲外火收馬月中塵白首從戎客青衫未離身

三四紀

寄語

哭劉夫子

近問南州客云亡已數春痛心曾受業追服恨無親  
婦歸鄉里書齋屬四鄰不知經亂後奠祭有何人

三四最是當情更移易不得尋李逸人舊  
居琴書隨弟子雞犬在鄰家亦實際語

附題鄰居 僻巷鄰家少茅簷喜並居蒸梨常共處  
澆蕪亦同渠傳展朝尋藥分燈夜讀書雖然在城市  
還得似無識  
病在過真而理



七言絕句

題美人

秦女窺人不解羞  
攀花趁蝶出牆頭  
胸前空帶宜男草  
嫁得蕭郎愛遠遊

登古城

獨上閒城却下遲  
秋山慘慘塚累累  
當時還有登城者  
荒草如今知是誰

後二語顛  
倒痛暢

襄陽寒食寄宇文籍

煙水初消見萬家東風吹柳萬條斜大堤欲上誰相伴  
馬踏春泥半是花

附種樹 一樹新栽益四鄰野夫如到舊山春樹成  
多是人先老垂白看他攀折人絕句以冷遠得佳

後二語意  
太逼近

于良史 為張建封從事問  
氣集云官至侍御

五言律詩

冬日寄李贊府

地險朝陽滿天邊宿霧收風兼殘雪起河帶斷水流北  
闕馳心極南圖尚旅遊登臨思不已何處得銷憂

三四  
清淺

間居寄薛據

隱几讀黃老間居耳目清僻居人事少多病道心生雨  
洗山林濕鷗鳴池館晴晚來因廢卷行藥至西城

附春山月夜  
手弄花香滿衣興來無遠近欲去惜芳菲南望鐘鳴  
處樓臺  
深翠微

劉商

字子夏彭城人居長安工畫山水官至檢校禮部郎中居書云貞元中為比部郎中詩十卷行于世

張彥遠名畫記云為汴州觀察判官少年有篇詠高情後得道

七言律詩

塞上即事

自似流星迹似蓬玉關孤望杳溟濛寒沙萬里平鋪月  
晚角一聲高卷風戰士沒邊魂尚哭單于獵處火猶紅  
分明更想殘宵夢故國依然到甬東

七言絕句

合谿送王永歸東郭

君去春山誰共遊  
烏啼花落水空流  
如今送別臨谿水

他日相思來水頭

附宋濟東鄰美女歌  
春煖江城斜日陰  
鶯啼繡戶曉雲深  
東風不道珠簾隔  
傳得歌聲與客心  
嫌魚

力格

朱灣

字巨川西蜀人號滄洲子貞元元和間為府從事高仲武問氣集云朱君率履貞素放情江湖郡國

交微潛耀不起有唐高人也詩體清逸與用宏深因詞寓意窮理盡性放咏尤工

七言律詩

尋隱者常九山人東溪草堂

窮得仙源訪隱淪  
漸來深處漸無塵  
初行竹裏唯通馬  
直到花間始見人  
四面雲山誰作主  
數家烟火自為鄰  
路傍樵客何須問  
朝市如今不是秦

語氣  
亦快

附長源佐輔別友人  
愁多不忍醒時別  
想極還尋靜處行  
誰道同衾又分手  
不如行路本無情  
苦于  
說  
意

楊凌

字恭履  
憑之弟  
大厯進士  
貞元中為協律郎  
常蘇州有寄楊協律者是也子敬之亦有詩名先友記

云楊氏兄弟者號州弘農人  
凌以大理評事卒最善云

七言絕句

明妃怨

漢國明妃去不還馬駝絃管向陰山  
匣中縱有菱花鏡

羞對單于照舊顏

戴叔倫

字幼公潤州人師事蕭穎士為門人貞元中及第劉晏奏為主運湖南嗣曹王率領湖南表在

幕府中德宗建中中李希烈反臯敗希烈留叔倫守  
撫州刺史後遷容管經畧德宗嘗賦中和節詩遣使寵

餞代還卒于  
道年五十八

五言律詩

宿天竺寺曉發羅源

黃昏投古寺深院一燈明  
水砌長杉列風廊敗葉鳴  
山雲留別偈王事速歸程  
迢遞羅源路輕輿候曉行

三四亦  
小具景

贈月溪羽士

月明溪水上誰識步虛聲  
夜靜金波冷風微玉練平  
自  
知塵夢遠一洗道心清  
更弄瑤笙罷秋空鶴又鳴



三四喜其不俗 凡詩  
取其獨獨處是其本色

春江獨釣

獨釣春江上 春江引起長  
斷煙樓艸碧流水帶花香  
心事同沙鳥 浮生寄野航  
荷衣塵不染何用濯滄浪

七言律詩

暮春懷感

杜宇聲聲喚客愁 故園何處此登樓  
落花飛絮成春夢 刺水殘山異昔游  
歌扇多情明月在 舞衣無緒綠雲收

東皇去後韶華盡老圃寒香別有秋

有新  
色

寄司空曙

細雨柴門生遠愁向來詩句若為酬  
林花落處頻中酒  
海燕飛時獨倚樓  
北郭晚晴山更遠  
南塘春盡水爭流  
可能相別還相憶  
莫遣楊花笑白頭

三四風味流  
麗格亦不晚

寄孟東野

亂餘城郭怕經過到處閒門長薜蘿用世空悲聞道淺  
入山偏喜識僧多醉歸花徑雲生履樵罷松巖雪滿蓑  
石上幽期春又暮何時載酒聽高歌

淺  
湊

寄劉禹錫

謝相園西石徑斜知君習隱暫為家有時出郭行芳艸  
長日臨池看落花春去能忘詩共賦客來應是酒頻賒  
五年不見西山色悵望浮雲隱落霞

宮詞

紫禁迢迢宮漏鳴  
夜深無語獨含情  
春風鸞鏡愁中影  
明月羊車夢裏聲  
塵暗玉階綦跡斷  
香飄金屋篆烟清  
貞心一任娥眉妬  
買賦何須問馬卿

濃麗纖媚是  
具體之所宜

五言絕句

送王司直

西塞雲山遠  
東風道路長  
人心勝潮水  
相送過潯陽

遣興

明月臨滄海閒雲戀故山詩名滿天下終日掩柴關

七言絕句

湘南即事

盧橘花開楓葉衰出門何處望京師  
沅湘日夜東流去不為愁人住少時

是無  
聊語

過柳溪道院

溪上誰家掩竹扉，鳥啼渾似惜春暉。  
日斜深巷無人跡，時見梨花片片飛。

權德輿

字載之，秦州洛陽人。四歲能賦詩，未冠以文章稱諸儒間。德宗聞其材，召為左補闕。元和中同

平章事。卒。謚曰文有集五十卷。又童蒙集十卷。

### 五言古詩

### 浩歌

杖策出蓬葦，浩歌愁思長。  
北風吹荷衣，蕭颯景氣涼。  
通達抵山郭，里巷連湖光。  
孤雲淨遠峯，綠水溢方塘。  
魚鳥

樂天性雜英互芬芳我心獨何為萬慮縈中腸履道身  
未泰主家謀不臧心為世教牽跡寄翰墨場出處兩未  
定羈孤空自傷沉憂不可裁佇立河之梁晚歸茅簷下  
左右陳壺觴獨酌復長謠放心遊八荒得喪同一域是  
非亦何常胡為苦此生矻矻徒自強乃泛杯中物可令  
憂患亡因茲謝時輩栖息無何鄉

格力  
故勁

古別離

人生天地間，瞥若六轡馳。天壽既常數，奈何生別離。跡  
當中人域，正性日已衰。是非千萬境，杳靄情塵滋。出門  
事何常，暫別亦難期。冉冉歎流景，悠悠限山陂。盡此一  
夕懽，華樽會前墀。雞鳴東方曙，夙駕臨通逵。欲出懶移  
步，欲留難致詞。兩情不得已，念此留何為。天明去已遠，  
寂寞居人歸。入門復上堂，怳怳生驚疑。經履同遊處，猶  
言當相隨。覽物或臨鏡，翻怪來何遲。乃知前日歡，本為  
今日悲。翻思別後心，寧及未見時。則知交疎分，久久翻



易持報君未別人別後當自知

深怨中多情語故宜  
娓娓不已 古意

祇命赴京途次淮口因書所懷

弱植素寡偶趨時非所任  
感恩再登龍求友皆斷金  
彪炳覩奇彩淒淒聞雅音  
適欣佳期接遽嘆離思侵  
靡靡遵遠道忡忡勞寸心  
難成獨酌謠空奏伐木吟  
沈寥清冬時蕭瑟白晝陰  
交歡諒如昨滯念紛在今  
因風試矯翼倦飛會歸林  
向晚清淮駛迴首楚雲深

七言古詩

古樂府

光風淡蕩百花吐樓上朝朝學歌舞  
年二八婚侍中幼妹承恩兄尚主  
繡窻珠箔繡鴛鴦侍婢先焚百和香  
鶯啼日出不知曙寂寂羅幃春夢長

秋閨月

三五二八光如練海上天涯人共見  
不知何處玉樓前乍入深閨玳筵露  
濃香徑知愁坐風動羅幃照獨眠

初卷珠簾看不足斜抱瑩篴未成曲稍映粧臺臨綺窻  
遙知不語淚雙雙此時愁望知何極萬里秋天同一色  
靄靄遙分陌上光迢迢對此閨中憶早晚歸來歡宴同  
可憐歌吹月明中此夜不堪腸斷絕願隨清影到遼東

絕近初唐起  
結鍾情殊甚

五言律詩

送盧評事婺州覲省

知向東陽去晨裝見綵衣客愁青眼別家喜玉人歸漢

漠水烟晚蕭蕭楓葉飛雙溪泊船處候吏拜胡威

三四亦  
響句

尋劉處士

幾年人不見林下掩柴關留客當清夜逢君話舊山隔  
城寒杵急帶月早鴻還南陌雖相近其如隱者閒

六語  
微韻

送孔徵士

谷口山多處君歸不可尋家貧清史在身老白雲深掃

雪開松徑疏泉過竹林余生負丘壑相送亦何心

三語  
足貴

與故人夜坐道舊

笑語歡今夕烟霞愴昔遊清羸還對月遲暮更逢秋勝  
理方自得浮名不在求終當製初服相與卧林丘

送張周二秀才謁宣州薛侍郎

儒衣兩少年春棹穀溪船湖月供詩興煙嵐費酒錢上  
帆投極浦歌枕傲晴天不用愁羈旅宣城太守賢

四語尖  
而雋

附送王鍊師赴王屋洞 稔歲在芝田 歸程入洞天  
白雲辭上國 青鳥會羣僊 自以棋消日 寧資藥駐年  
相看話離別 風取忽冷然

五言絕句

江行夜詠

猿聲到枕上 愁夢紛難理 寂寂深夜寒 清霜落秋水

七言絕句

舟行夜泊

蕭蕭落葉送殘秋寂寞寒波急暝流  
今夜不知何處泊  
斷猿晴月引孤舟

贈天竺靈隱二寺主

石路泉流兩寺分尋常鐘磬隔山聞  
山僧半在中峯住  
共占清猿與白雲

楊敬之

七言絕句

項斯始未為聞人因以卷謁敬之  
苦愛之贈詩

幾度見詩詩盡好及觀標格過於詩平生不解藏人善  
到處逢人說項斯

武元衡

字伯蒼河南人建中四年進士元和二年以門下侍郎平章事秉政早朝遇盜從暗中射殺有

臨淮集  
十卷

七言絕句

汴州聞角

何處金笳月裏悲悠悠遠客夢先知單于城上關山曲  
今日中原總解吹



羊士諤

泰山人貞元初進士累至宣歙巡官元和初拜監察御史性傾險坐誣論宰相出資州刺史有

集行世

和李都官郎中經宮人斜

翡翠無窮掩夜泉猶疑一半作神仙  
秋來還照長門月  
珠露寒花是野田

是野田三字  
意淺復未韻

夜聽琵琶

掩抑危絃咽又通朔雲邊月想朦朧  
當時誰佩將軍印

長使蛾眉怨不窮

郡中即事

一作翫荷

紅衣落盡暗香殘  
葉上秋光白露寒  
越女含情已無限  
莫教長袖倚闌干

張仲素

字繪之元和中為翰林學士韋貫之謂學士所以備顧問不宜專取辭藝奏罷之

七言絕句

塞上行

卷旆生風喜氣新  
早持龍節靜邊塵  
漢家天子圖麟閣

身是當今第一人

塞下曲

三戍漁陽再渡遼  
驛弓在臂劍橫腰  
匈奴似欲知名姓  
休傍陰山更射鵰

語氣飽決  
足駕盛唐

獵馬千羣雁幾雙  
燕然山下碧油幢  
傳聲漠北單于破  
火照旌旗夜受降

朔雪飄飄開雁門  
平沙歷亂卷蓬根  
功名耻計擒生數

直斬樓蘭報國恩

天馬詩

天馬初從渥水來  
郊歌曾唱得龍媒  
不知玉塞沙中路  
苜蓿殘花幾處開

漢苑行

迴鴈高飛太液池  
新花低發上林枝  
年光到處皆堪賞  
春色人間總未知

附李廓送振武將軍  
葉葉歸邊騎  
風頭萬里  
靴金  
粧腰帶重錦縫  
耳衣寒蘆酒燒  
蓬暖霜鴻  
抵箭看黃

河古城道秋  
雪白漫漫

顧非熊

元和時人況之子為盱眙尉棄官隱茅山詩一卷

七言絕句

瓜州送朱萬言

渡頭風晚葉飛頻  
君向瀟湘我向秦  
雙淚別家猶未斷  
不堪仍送故鄉人

竇鞏

字友封叔向第五子雅淡與人言若不出口世號囁嚅翁元稹為武昌軍節度辟為秘書少監兼御

史中丞充節度副使卒

七言絕句

自京將赴黔南

風雨荊州二月天  
問人初顧峽中船  
西南一望雲和水  
猶道黔南有四千

南遊感興

傷心欲問當時事  
唯見江波去不迴  
日暮東風春草綠  
鷓鴣飛上越王臺

令狐楚

字殼士五歲能文達冠舉進士後為太原書記德宗喜文每省太原奏議能辨楚所為由是名

重累連為中書侍郎同平章事後拜山南節度使卒  
是夕有大星隕庭上其光燭庭坐與家人訣乃終有  
漆園等集一  
百三十卷傳

七言律詩

遊晉祠上李逢吉相公

不歷晉祠三十年白頭重到一凄然  
泉聲自昔鏘寒玉  
草色雖秋耀翠鈿  
少壯同遊寧有數  
尊榮再會便無緣  
相思臨水下雙淚  
寄入并汾向洛川

三四  
之有聲

五言絕句

思君恩

小苑鶯聲歇長門蝶舞多  
眼看春又去翠輦不經過

遊春詞

閭闔春風起蓬萊冰雪消  
相將折楊柳爭取最高條

七言絕句

少年行

弓背霞明劍照霜秋風走馬出咸陽  
未收天子河源地



不擬回頭望故鄉

卷三十五

唐詩鏡卷三十五

欽定四庫全書

唐詩鏡卷三十六

明 陸時雍 編

中唐第八

劉禹錫

字夢得中山人貞元九年進士登博學宏詞科為監察御史時王叔文得幸劉與之交叔文敗

貶朗州司馬召還復出刺播州易連州又徙夔州後徙和州入為主客郎中裴度薦為翰林學士遷太子賓客會昌間檢校禮部尚書卒禹錫恃才而廢褊心不無怨望年益晏偃蹇寡所合乃以文章自適晚節尤精樂天常推之為詩豪云集四十卷

五言古詩

團扇歌

團扇復團扇奉君清暑殿  
秋風入庭樹從此不相見  
上有乘鸞女蒼蒼網蟲遍  
明年入懷袖別是機中練

意迫

寄陝州姚中丞

時分司東都

八月天地肅二陵風雨收  
旌旗闕下來雲日關東秋  
禹跡想前事漢臺餘故丘  
徘徊襟帶地左右帝王州  
留滯

悲昔老恩光榮徹侯相思望棠樹一寄商聲謳

徑  
潔

奉酬湖州崔郎中見寄五韻

山陽昔相遇灼灼晨葩鮮同遊翰墨場和樂埵簾然一  
落名宦途浩如乘風船行當哀暮日卧理淮海邊猶期  
謝病後共樂桑榆年

依切  
情事

秋晚題湖城驛池上亭

秋次池館上林塘照南榮塵衣紛未解幽思浩已盈秋  
蓮墜故萼露菊含晚英恨為一夕客愁聽晨雞鳴

勁矯

登司馬錯古城

秦昭王命錯征五溪  
蠻城在武陵沅江南

將軍將秦師西南奠遐服故壘清江上蒼烟晦喬木登  
臨直蕭辰周覽壯前躅塹平陳葉滿墉高秋蔓綠廢井  
抽寒菜毀臺生魯穀耕人得古器宿雨多遺鏃楚塞鬱

重疊蠻溪分詰曲留此數仞基幾人生遠目

實而  
不俚

卧病聞常山旋師策勲宥過王澤大洽因寄李  
六侍郎

寂寂重寂寂病夫卧秋齋夜蛩思幽壁槁葉鳴枯堦南  
國異氣候火旻尚昏霾瘴烟跼飛羽沴氣傷百骸昨聞  
凱歌旋飲至酒如淮無戰陋丹水垂仁輕豪街清廟既  
策勲園丘俟燔柴車書一以混幽遠靡不懷逐客顛顚

久故鄉雲雨乖禽魚各有化予欲問齊諧

一起清  
出見骨

和董庶中古散調詞贈尹果毅

昔聽東武吟壯年心已悲如何心落  
落聞君辛苦辭言有窮巷士弱齡頗  
尚奇讀得玄女符生當事邊時借名  
遊俠窟結客幽并兒往來長秋間能  
帶雙鞬馳崩騰天寶末塵暗燕幽陲  
燿火入咸陽詔徵神武師是時占軍  
幕挿羽揚金羈萬夫列轅門觀射中  
戟支誓言雪國讐

親愛從此辭中宵倚長劍起視虫尤旗介馬晨蕭蕭陣  
雲竟天涯陰風列白草旗檠光參差勇氣貫中腸視身  
忽如遺生擒白馬將虜騎不敢追貴臣上戰功姓名隨  
意移終歲肌骨苦他人印累累謁者既清宮諸侯各罷  
戲上將賜甲第門戟不可窺昔血下沾襟天高問無期  
却尋故鄉路孤影空相隨行逢里中舊撲宿昔所嗤一  
言合侯王腰佩黃金龜問我何自苦可憐真數奇遲回  
顧徒御得色懸雙眉翻然悟世途撫已昧所宜田園已



蕪沒流浪江海湄驚禽毛翮摧不見高翔姿哀容蔽逸  
氣子子無人知寂寂草玄徒長吟下書帷聞君發哀韻  
粲若瑤林枝有客識其真潺湲涕交頤飲爾一杯酒陶  
然足自怡

叙次最有情色  
復徑淨可愛

客有為余話登天壇遇雨之狀因以賦之

清晨登天壇平路逢陰晦疾行穿雨過却立視雲背白  
日照其上風雷走於內滉瀟雪海翻槎枒玉山碎蛟龍

露髻鬢神鬼含變態萬狀互生滅百音以繁會俯觀羣  
動靜始覺天宇大山頂自晶明人間已霧霈豁然重昏  
斂渙若春冰潰反照入松門瀑流飛縞帶遙光泛物色  
餘韻吟天籟洞府撞仙鐘村墟起夕靄却見山下侶已  
如迷世代問我何處來我來雲雨外

寫出真際處最佳  
疾行  
數語殊自奇快結語穩足

有僧言羅浮寺因為詩以寫之

君言羅浮上容易見九垓漸高元氣壯洶湧來翼身夜

宿最高峯瞻望浩無鄰海黑天宇曠星辰來逼人  
是時當朏魄陰物恣騰振日光吐鯨背劍影開龍  
鱗倏若萬馬馳旌旗聳龠淪又如廣樂奏金石含  
悲辛疑其有巨靈恠物盡來賓陰陽迭用事乃俾  
夜作晨咄嗟天雞鳴扶桑色昕昕赤波千萬里湧  
出黃金輪下視生物息靈如隙中塵醢雞仰甕口  
亦謂雲漢津世人信耳目方寸度大鈞安知視聽  
外恠愕不可陳悠悠想大方此乃枯水濱知小天地  
大安能識其真

才辨

和令狐相公晚泛漢江書懷寄洋州崔侍郎閔

州高舍人二曹長

雨過遠山出江澄暮霞生因浮濟川舟遂作適野行郊  
樹映緹騎水禽避紅旌田夫捐畚鍤婦窺柴荆古岸  
夏花發遙林晚蟬清沿洄方翫境鼓角已登城部中有  
良牧望中寄深情臨觴念佳期泛瑟動離聲寂寞一病  
士夙昔接羣英多謝謫仙侶幾時還玉京

一起二  
語聲秀

和武中丞秋日寄懷簡諸僚故

退朝還公府騎吹息繁音  
吏散秋庭寂鳥啼烟樹深  
威生奉白簡道勝外華簪  
風物清遠目功名懷寸陰  
雲衢念前侶綵翰寫冲襟  
涼菊照幽院敗荷攢碧潯  
感時江海思報國松筠心  
空愧壽陵步芳塵何處尋

七言古詩

城西行

城西簇簇三叛族叛者為誰蔡吳蜀中使提刀出禁來  
九衢車馬轟如雷臨刑與酒杯未覆讎家白官先請肉  
守吏能然董卓膺饑烏來覘桓玄目城西人散秦階平  
雨洗血痕春草生

選意  
成詞

唐侍御寄遊道林嶽麓二寺詩并沈中丞姚員  
外所和見徵繼作

湘西古刹雙躡躡羣峰朝拱如駿奔青松步障深五里

龍宮黯黯神為閹高殿呀然壓翠巘俯瞰長江如欲吞  
橘洲泛浮金寶動水郭繚繞朱樓騫語餘百響入天籟  
衆竒引步輕翩翻泉清石布博棊子蘿密鳥語如簧言  
回廊架險高且曲新徑穿林明復昏淺流忽濁山獸過  
古木半空天火痕星使雙飛出禁垣元侯餞之遊石門  
紫髯翼從紅袖舞竹風松雪香溫磨遠持青瑣照巫峽  
一戛驚斷三聲猿靈山會中身不預吟想峭絕愁精魂  
恨無黃金千萬餅布地買取為丘園

寫色漫  
爛畢著

和牛相公南溪醉歌見寄

脫屣將相守冲謙唯於山水獨不廉  
枕伊背洛得勝地  
鳴皋少室來軒簷相形面勢默指畫  
言下變化隨顧瞻  
清池曲榭人所致野趣幽芳天與添  
有時轉入潭島間  
珍木如幄藤為簾忽然便有江湖思  
沙磧平淺草纖纖  
怪石釣出太湖底珠樹移自天台尖  
崇蘭迎風綠泛灩  
坼蓮含露紅襜褕修廊架空遠岫入  
弱柳覆檻流波霑



渚蒲抽尖劍脊動岸荻迸筍錐頭銛携觴命侶極永日  
此會雖數心無厭人皆置莊身不到富貴難與逍遙兼  
唯公出處得自在決就放曠辭炎炎座賓盡歡恣談謔  
愧我掉頭還奮髯能令商於多病客亦覺自適非沉潛

清  
激

歎水別白二十二

水至清盡美從一勺至千里利人利物時行時止道性  
淨皆然交情淡如此君遊金谷堤上我在石渠署裏兩

心相憶似流波潺湲日夜無窮已

和樂天春詞依憶江南曲拍為句

春去也多謝洛城人弱柳從風疑舉袂  
叢蘭裊露似霑巾獨坐亦含嚬

髣髴  
隋音

五言律詩

送鴻舉師赴江南

學畫長廊遍尋僧一徑幽小池兼鶴淨  
古木帶蟬秋客

至茶烟起禽歸講席收浮杯明日去相望水悠悠

六語  
幽趣

再經故元九相公宅池上作

故池春又至一到一傷情雁鶩羣猶下蛙螟衣已生竹  
叢身後長臺勢雨來傾六尺孤安在人間未有名

結語  
沉摯

酬令狐相公歲暮遠懷見寄

別侶孤鶴怨冲天威鳳歸容光一以問夢想是耶非芳

訊遠彌重知音老更稀不如湖上鴈北向整毛衣

四語無  
意而成

### 姑蘇臺

故國荒臺在前臨震澤波綺羅隨世盡麋鹿古時多築  
用金鎚力摧因石鼠窠昔年雕輦路唯有米樵歌

四語  
深感

### 南中書來

來書問風俗此地接炎州淫祀多青鬼居人少白頭旅

情偏在夜鄉思豈唯秋每羨朝宗水門前盡日流

三四  
痛絕

陝州河亭陪韋伍大夫雪後眺望因以留別與  
韋有布衣之舊一別二紀經遷貶而歸

雪霽太陽津城池表裏春河流添馬頰原色動龍鱗萬  
里獨歸客一杯逢故人登高向西望關路正飛塵

附秋日送客至潛水驛  
候吏立沙際田家連竹溪  
楓林社日鼓茅屋午時雞  
鵲噪晚禾地蝶飛秋草畦  
驛樓宮樹近疲馬再三嘶  
意象偏窄是中唐的派

七言律詩

西塞山懷古

西晉樓船下益州，金陵王氣漠然收。  
千尋鐵鎖沉江底，一片降幡出石頭。  
人世幾回傷往事，山形依舊枕寒流。  
從今四海為家日，故壘蕭蕭蘆荻秋。

三四似少琢鍊五六  
憑弔正是中唐語格

秋日題寶賁外崇德里新居寶氏判度支業

長愛街西風景閒，君居處便開顏。  
清光門外一渠水，

秋景牆頭數點山疎種碧松過月朗多栽紅藥待春還  
莫言堆案無餘地認得詩人在此間

三四淺削六  
語饒有餘致

春日書懷寄東洛白二十二楊八二庶子

曾向空門學坐禪如今萬事盡忘筌眼前名利同春夢  
醉裏風情敵少年野草芳菲紅錦地遊絲撩亂碧羅天  
心知洛下閒才子不作詩魔即酒顛

四語佳別  
是感意

闕下待傳點呈諸同舍

禁漏晨鐘聲欲絕  
旌旗組綬影相交  
殿含佳氣當龍首  
閣倚晴天見鳳巢  
山色蔥籠丹檻外  
霞光泛灩翠松梢  
多慙再入金門籍  
不敢為文學解嘲

四語佳景  
在顧想問

刑部白侍郎謝病長告改賓客分司以詩贈別  
鼎食華軒到眼前  
拂衣高坐豈徒然  
九霄路上辭朝客  
四皓叢中作少年  
他日卧龍終得雨  
今朝放鶴且冲天



洛陽舊有衡茆在亦擬抽身伴地仙

三四小品  
殊不乏趣

和牛相公遊南莊醉後寓言戲贈樂天兼見示  
城外園林初夏天就中野趣在西偏  
薔薇亂發多臨水  
鷓鴣雙遊不避船  
水底遠山雲似雪  
橋邊平岼草如烟  
白家唯有孟觴興欲把頭盤打少年

魚復江中

扁舟盡室負相逐白髮藏冠鑷更加遠水自澄終日綠

晴林長落過春花客情浩蕩逢鄉語詩意留連重物華  
風櫓好住貪程去斜日青帘背酒家

哭呂衡州時予方謫居

一夜霜風凋玉芝蒼生望絕士林悲空懷濟世安人畧  
不見男婚女嫁時遺草一函歸太史孤墳三尺近要離  
朔方徙歲行當滿欲為君刊第二碑

三四語  
朴而傷

附蘇州白舍人寄新詩有嘆早白無兒之句因以贈  
之莫嗟華髮與無兒却是人間久遠期雪裏高山

頭白早海中仙果子生遲于公必有高門慶謝守何煩曉鏡悲幸免如新分非淺祝君長咏夢熊詩

附吟白樂天哭崔兒二篇愴然寄贈吟君苦調我需纓能使無情盡有情四望車中心未釋千秋亭下賦初成庭梧已有棲離處池鶴今無子和聲從此期君比瓊樹一枝吹折一枝生

附荅樂天所寄咏懷且釋其枯樹之歎街前有樂饌常精宅內連池酒任傾自是官高無狎客不論年長少歡情驪龍領被探珠去老蚌胚還應月生莫羨三春桃與李桂花成實向秋榮詩絕似長語如此

則脫手易就附自江陵沿流道中三千三百江西水自古如今

要路津月夜歌謠有漁父風天氣色屬商人沙村好處多逢寺山葉紅時覺勝春行到南朝征戰地古來名將盡為神

五言排律

送工部張侍郎入蕃弔祭

時張兼  
修史

月窟賓諸夏雲官降九天  
節終隣好重錫命禮容全  
水咽猶登隴沙明稍極邊  
路因乘驛近志為飲水堅  
毳帳差池見烏旗搖曳前  
歸來賜金石榮耀自編年

整  
禎

送陸侍郎歸淮南使府五韻

用年  
字

江左重詩篇陸生名久傳  
鳳城來已熟羊酪不嫌羶  
歸

路芙蓉府離堂玳瑁筵秦山呈臘雪隋柳布新年曾忝

揚州薦因君連短牋

時改丞相鎮揚州嘗屬表薦

熟境語却有新色

奉送裴司徒令公自東都留守再命太原

本封晉國

公兩任相

去十六年

星使出關東兵符賜上公山河歸舊國籥管換離宮行  
色旌旗動軍聲鼓角雄愛棠餘故吏騎竹見新童漢壘  
三秋靜胡沙萬里空其如天下望旦夕詠清風

送如智法師遊辰州兼寄許評事

近郭看殊境，獨遊常鮮懽。  
逢君駐縑錫，觀貌稱林巒。  
湖滿景方霽，野香春未闌。  
愛泉移席近，聞石輟棊看。  
風止松猶韻，花繁露未乾。  
橋形出樹曲，巖影落池寒。  
別路千嶂外，詩情暮雲端。  
他年買山處，似此願隳官。

湖滿二語脫手  
輕分風韻欲絕

元和癸巳歲仲秋詔發江陵偏師問罪蠻徼後  
命宣慰釋兵歸降凱旋之辰率爾成詠寄荆

南巖司空

蠻水阻朝宗兵符下渚宮前籌得上策無戰已成功漢  
使星飛入夷心草偃同歌謠開竹棧拜舞戢桑弓就日  
知冰釋投人念烏窮網羅三面解章奏九門通卉服聯  
操袂雕題盡鞠躬降幡秋練白驛騎畫塵紅火號休傳  
警機橋罷亘空登山不見虜振旆自生風江遠烟波靜  
軍回氣色雄佇看聞喜後金石賜元戎

語裕似得  
之熟後

訓樂天晚夏間居欲相訪先以詩見貽

池榭堪臨泛，條然散鬱陶。  
步因驅鶴緩，吟為聽蟬高。  
林密添新竹，枝低緹晚桃。  
酒醅晴易熟，藥圃夏頻薈。  
老是班行舊，間為鄉里豪。  
經過更何處，風景屬吾曹。

三四清  
趣冷然

秋霖即事聯句三十韻

蕭索窮秋月蒼茫，苦雨天泄雲生棟。  
上行潦入庭前

居易

送上 苔色侵三徑，波聲想五絃。  
井蛙爭入戶，轍鮒亂歸



泉

起送上中丞大監

高雷愁晨坐空堦警夜眠鶴鳴猶未已蟻

穴亦頻遷

禹錫送上少傅侍郎

散漫疎還密空濛斷又連竹霑青

玉潤荷滴白珠圓

居易

地濕灰蛾滅池添水馬憐有苗

霑霖霖無月弄潺湲

起

籬菊潛開秀園蔬已罷鮮斷行

隨鴈翅孤嘯聳鳬肩

禹錫

橋柱黏黃菌墻衣點綠錢草

荒行藥路沙淀釣魚船

居易

長者車猶阻高人榻且懸

此思劉白之來也

金烏何日見玉爵幾時傳

起

近井桐先落當

簷石欲穿趨風誠有戀披霧邈無緣

禹錫以荅懸榻之言

廩米陳

生醖庖薪濕起烟鳴鷄潛報曉急景暗彫年

居易

蓋酒

高松上綠繁細柳邊拂叢時起蝶墜葉乍驚蟬

起

巾角

皆爭墊裙裾別似湔人多蒙翠被馬盡著連乾

禹錫

好

客無來者貧家但悄然寒原印鶴跡漏壁絡蝸涎

居易

蚊聚雷侵室鷗翻浪滿川上樓愁幕幕遶舍厭濺濺

起

律候今秋矣歡娛久曠焉但令高興在晴後奉周旋

禹

錫

波聲想五絃是其變調竹露青玉潤語稍破俗孤嘯  
聳齋肩饒有奇趣沙淀釣魚船景色佳排律忌冗

塌沉縣自少陵以  
來未能免此通病

南海馬大夫見惠著述三通勒成四帙上自邃  
古達于國朝采其菁華至簡如富欽受嘉貺  
詩以謝之

紅旗閱五兵絳帳領諸生味道輕鼎食退公猶筆耕青  
箱傳學遠金匱納書成一瞬見前事九流當抗行編蒲  
曾苦思垂竹愧無名今日承芳訊誰言贈袞榮

簡處可貴退  
公語最佳

浙西李大夫述夢四十韻并浙東元相公酬和

斐然繼聲

位是才能取時因際會遭羽儀呈鸞鷟鉞刀試豪曹洛

下推年少山東許地高門承金鉉鼎家有玉璜

呂仍嗣侯

海浪扶鵬翅天風引驥髦便知蓬閣閔不識魯衣褒興

發春塘草魂交益部刀形開猶抱膝燭盡遽揮毫昔仕

當初筮逢時詠載橐懷鉛辨蟲蠹染素學鵝毛車騎方

休汝歸來欲效陶

大夫罷太原從事歸京師

南臺資謬謬內署選風

騷羽化如乘鯉樓居舊冠鼇美香焚濕麝名果賜乾菊  
議赦蠅棲筆邀歌蟻泛醪代言無所戲謝表自稱叨蘭  
焰凝芳澤芝泥瑩玉膏對頻聲價出直以夢魂勞草詔  
令歸馬批章答厭焚

幽冀歸國西戎乞盟事並具注前

銀花懸院榜翠

羽映簾條諷諫欣然納奇觚率爾操禁中時諤諤天下  
免忉忉右顧龜成印雙飛鵠織袍謝賔綠地密潔已是  
心豪五日思歸沐三春羨衆邀茶爐依綠笋棊局就紅  
桃漠海桑潛變陰陽炭暗熬仙成脫屣去臣戀捧弓號

建節辭烏柏宣風看鷺濤土山京口峻鐵瓮郡城牢

舊說

湖州城如鐵瓮事  
見歸浣南征記

曲島花千樹官池水一篙鶯來和絲

管鴈起拂塵旄宛轉傾羅扇回旋墜玉搔罰籌長豎蠡

觥盞樣如舳山是千重障江為四面濠卧龍曾得雨

浙東

孤鶴尚鳴臯

浙西

劍用雄開匣

二公

弓閒蟄受弣

自謂

鳳姿當

在竹

二公

鷗羽不離蒿

自謂

吳越分雙鎮東西接萬艘今朝

比潘陸江海更滔滔

調  
響

和浙西李大夫晚下北固山喜徑松成陰悵然

懷古偶題臨江亭並浙東元相公所和依本

韻

一辭溫室樹幾見武昌柳荀謝年何少  
常平望已久種松夾石道紆組臨沙阜  
目覽帝王州心存股肱守葉動驚綵翰  
波澄見頽首晉宋齊梁都千山萬江口  
煙散隋宮出濤來海門吼風俗太伯餘  
衣冠永嘉後江長天作限山固壤無朽  
自古稱佳麗非賢誰奄有八元邦族盛

萬石門風厚天柱揭東溟文星照北斗高亭一騁望舉  
酒共為壽因賦詠懷詩遠寄同心友禁中晨夜直江左  
東西偶筆手握兵符儒腰盤貴綬頒條風有自立事言  
無苟農野聞讓耕軍人不使酒用材當構厦知道寧窺  
牖誰謂青雲高鵬飛終背負

附和令狐相公謝太原李侍中寄蒲桃有魚鱗含  
宿潤馬乳帶殘霜之句

### 五言絕句

唐郎中宅與公同飲酒看牡丹



今日花前飲甘心醉數杯但愁花有語不為老人開

題壽安甘棠館二首

公館似仙家池清竹徑斜山禽忽驚起衝落半巖花  
門前洛陽道門裏桃源路塵土與煙霞其間十餘步

後二  
語鳥

經檀道濟故壘

萬里長城壞荒營野草秋秣陵多士女猶唱白符鳩

史云

當時人歌曰可憐白  
符鳩枉殺檀江州

傷獨孤舍人

貞元中余以御史監祠事河南獨孤生始仕為奉禮  
郎有事宗廟郊時必與之俱繇是甚熟及余謫武陵  
九年間獨孤生仕至中書舍人視草禁中上方許以  
宰相元和十年春余祇召抵京師次都亭日舍人疾  
不起余聞因作傷詞以為弔

昔別於年少今悲喪國華  
遠來同社燕不見早梅花

七言絕句

魏宮詞

日晚長秋簾外報望陵歌舞在明朝添爐欲焚熏衣麝  
憶得分時不忍燒

中晚絕句多以意勝劉禹錫長於寄  
怨七言絕最其所優可分昌齡半席

竹枝詞

楊柳青青江水平聞郎江上唱歌聲東邊日出西邊雨  
道是無情却有情

子夜  
遺情

隄上行

酒旗相望大堤頭  
隄下連檣隄上樓  
日暮行人爭渡急  
槳聲幽輒滿中流

不倫不理是為歌  
詞末語似失本趣

江南江北望烟波  
入夜行人相應歌  
桃葉傳情竹枝怨  
水流無限月明多

末句勝  
一多字

踏歌詞

春江月出大堤平  
隄上女郎連袂行  
唱盡新詞歡不見  
紅霞映樹鵲鴝鳴

語帶  
風騷

桃蹊柳陌好經過  
燈下妝成月下歌  
為是襄王故宮地  
至今猶自細腰多

賈態  
招人

新詞宛轉遞相傳  
振袖傾鬟風露前  
月落烏啼雲雨散  
遊童陌上拾花鈿

末語無  
限餘情

阿嬌怨

望見葳蕤舉翠華  
試開金屋掃庭花  
須臾宮女傳來信  
言幸平陽公主家

末語闕  
情特至

竹枝詞

白帝城頭春草生  
白鹽山下蜀江清  
南人上來歌一曲  
北人莫上動鄉情

日出三竿春霧消  
江頭蜀客駐蘭橈  
憑寄狂夫書一紙  
住在成都萬里橋

瞿塘嘈嘈十二灘  
此中道路古來難  
長恨人心不如水  
等閒平地起波瀾

山上層層桃李花  
雲間煙火是人家  
銀釧金釵來負水  
長刀短笠去燒畬

竹枝詞  
俚而雅

楊柳枝詞

金谷園中鶯亂飛  
銅駝陌上好風吹  
城中桃李須臾盡  
爭似垂楊無限時

花萼樓前初種時  
美人樓上鬪腰肢  
如今拋擲長街裏  
露葉如啼欲恨誰

自怨語正是  
尤人無限

煬帝行宮汴水濱  
數枝楊柳不勝春  
晚來風起花如雪  
飛入宮牆不見人

忽入  
雅調



御陌青門拂地垂千條金縷萬條絲如今綰作同心結  
將贈行人知不知

城外春風吹酒旗行人揮袂日西時長安陌上無窮樹  
唯有垂楊綰別離

此與楊柳作楚詞  
于別離無與也

輕盈裊娜占年華舞榭粧樓處處遮春盡絮飛留不得  
隨風好去落誰家

楊柳詞流連宛  
轉哀怨無窮

浪淘沙詞

九曲黃河萬里沙  
浪淘風簸自天涯  
如今直上銀河去  
同到牽牛織女家

洛水橋邊春日斜  
碧流清淺見瓊沙  
無端陌上狂風急  
驚起鴛鴦出浪花

鸚鵡洲頭浪颭沙  
青樓春望日將斜  
銜泥燕子爭歸舍  
獨自狂夫不憶家

物情人思  
佳境自無

濯錦江邊兩岼花春風吹浪正淘沙女郎剪下鴛鴦錦  
將向中流足晚霞

洛中春末送杜錄事赴蘄州

樽前花下長相見明日忽為千里人君過午橋回首望  
洛城猶自有殘春

代為  
繾綣

重送鴻舉師赴江陵謁馬逢侍御

西北秋風凋蕙蘭洞庭波上碧雲寒茂陵才子江陵去

乞取新詩合掌看

末句是  
珍重語

元和甲午歲詔書盡徵江湘逐客余自武陵赴  
京宿於都亭有懷續來諸君子

雷雨江山起卧龍武陵樵客躡仙蹤十年楚水楓林下  
今夜初聞長樂鐘

似喜却  
是怨甚

元和十一年自朗州承召至京戲贈看花諸君

子

紫陌紅塵拂面來，無人道看花回。  
玄都觀裏桃千樹，盡是劉郎去後栽。

再遊玄都觀

余貞元二十一年為屯田員外郎時，此觀未有花。是歲出牧連州，尋貶朗州司馬，居十年，召至京師，人人皆言有道士手植仙桃，滿觀如紅霞。遂有前篇以誌一時之事。旋又出牧，今十有四年，復為主客郎中。

遊玄都觀蕩然無復一樹唯兔葵燕麥動搖於春風  
耳因再題二十八字以俟後遊時大和二年三月某  
日

百畝庭中半是苔桃花淨盡菜花開種桃道士歸何處  
前度劉郎今又來

與歌者米嘉榮

唱得涼州意外聲舊人唯數米嘉榮近來時世輕前輩  
好染髭鬚事後生

聽舊宮中樂人穆氏唱歌

曾隨織女渡天河  
記得雲間第一歌  
休唱貞元供奉曲  
當時朝士已無多

宕傷  
感之甚

石頭城

山圍故國周遭在  
潮打空城寂寞回  
淮水東邊舊時月  
夜深還過女牆來

烏衣巷

朱雀橋邊野草花  
烏衣巷口夕陽斜  
舊時王謝堂前燕  
飛入尋常百姓家

意高  
妙

故洛城古牆

粉落椒飛知幾春  
風吹雨洒旋成塵  
莫言一片危基在  
猶過無窮來往人

却作  
轉調

酬瑞州吳大夫夜泊湘川見寄一絕



夜泊湘川逐客心月明猿叫血沾襟  
湘妃舊竹痕猶淺從此因君染更深

自然  
佳句

徵還京師見舊番官馮叔達

前者匆匆襆被行十年憔悴到京城  
南宮舊吏來相問何處淹留白髮生

調笑  
含情

與歌者何戡

二十餘年別帝京  
重聞天樂不勝情  
舊人唯有何戡在  
更與殷勤唱渭城

深哀  
痛語

傷愚溪

溪水悠悠春自來  
草堂無主燕飛回  
隔簾唯見中庭草  
一樹山榴依舊開

柳門竹巷依依在  
野草青苔日月多  
搥有隣人解吹笛  
山陽舊侶更誰過

和樂天春詞

新粧面面下朱樓  
深鎖春光一院愁  
行到中庭數花朵  
蜻蜓飛上玉搔頭

無聊語

虎丘寺見元相公二年前題名愴然有詠

前年  
滄橋

送之  
武昌

滄水送君君不還  
見君題字虎丘山  
因知早貴兼才子  
不得多時在世間

恨語

和令狐相公別牡丹

平章宅裏一欄花  
臨到開時不在家  
莫道兩京非遠別  
春明門外即天涯

令狐相公春思見寄

一紙書封四句詩  
芳晨對酒遠相思  
長吟盡日西南望  
猶及殘春花落時

赴連州途經洛陽諸公置酒相送張員外賈以

詩見贈率爾訓之

謫在三江最遠州邊鴻不到水南流  
如今暫寄樽前笑明日辭君步步愁

語到真處不必  
他奇自然佳境

洛瀛病卧李侍郎見惠藥物詭以文星之句

隱几支頤對落暉故人書信到柴扉  
周南留滯商山老星象如今屬少微

唐詩鏡卷三十六

# 欽定四庫全書

集部

唐詩鏡卷

三十七至  
四十

詳校官庶吉士臣范逢恩

主事銜臣徐以坤覆勘

總校官編修臣王燕緒

校對官編修臣張燾

謄錄監生臣朱恒

欽定四庫全書

唐詩鏡卷三十七

明 陸時雍 編

中唐第九

柳宗元

字子厚河東人貞元九年舉博學宏詞科進士授校書郎累遷監察御史擢禮部員外郎王叔

文得政引入內禁與計事俄而叔文敗坐貶永州司戶元和十年徙柳州刺史十四年卒于官有集行世

子厚清峭壁立深於哀怨

五言古詩

初秋夜坐贈吳武陵

稍稍雨侵竹翻翻鵲驚叢美人隔湘浦一夕生秋風積  
霧杳難滄波浩無窮相思豈云遠即席莫與同若人  
抱竒音朱紱音絢音枯桐清商激西顥汎灑凌長空自得  
本無作天成諒非功希聲閤大樸聾俗何由聰

晨詣趙師院讀禪經

汲井漱寒齒清心拂塵服間持貝葉書步出東齋讀真  
源了無取妄迹世所逐遺言冀可冥繕性何由熟道人



庭宇靜苔色連深竹日出霧露餘青松如膏沐澹然離  
言語悟悅心自足

起語往往整策道人  
四語景色靈霸如沐

吳上人以竹間自採新茶見贈酬之以詩

芳叢翳湘竹零露凝清華復此雪山客晨朝掇靈芽蒸  
烟俯石瀨咫尺凌丹崖圓方麗奇色圭璧無纖瑕呼兒  
鑿金鼎餘馥延幽遐滌慮發真照還源蕩昏邪猶同甘  
露飯佛事熏毘耶吐此蓬瀛侶無乃貴沅霞

零陵贈李卿元侍御簡吳武陵

理世固輕士，棄捐湘之湄。  
陽光競四溟，敲石安所施。  
鍛羽集枯幹，低昂互鳴悲。  
朔雲吐風寒，寂歷窮秋時。  
君子尚容與，小人守兢危。  
慘悽日相視，離憂坐自滋。  
樽酒聊可酌，放歌諒徒為。  
惜無協律者，窈眇絃吾詩。

界圍巖水簾

界圍滙湘曲，青壁環澄流。  
懸泉粲成簾，羅注無時休。  
韻磬叩凝碧，鏘鏘徹巖幽。  
丹霞冠其顛，想像凌虛游。  
靈境

不可狀鬼工諒難求忽如朝玉皇天冕垂前旒楚臣昔  
南逐有意仍丹丘今我始北旋新詔釋縲囚采真誠眷  
戀許國無淹留再來寄幽夢遺貯催行舟

再至界園巖水簾遂宿巖下

元和十  
年五月

發春念長違中夏欣再覩是時植物秀杳若臨玄圃歎  
陽訝垂冰白日驚雷雨笙簧潭際起鶴鶴雲間舞古苔  
凝青枝陰草濕翠羽蔽空素彩列激浪寒光聚的皪沉  
珠淵鏘鳴捐珮浦幽巖畫屏倚新月玉鉤吐夜涼星滿

川忽疑眠洞府

品閔 琢若鬼  
斧未免 傷雅

遊朝陽巖遂登西亭二十韻

謫棄殊隱淪登陟非遠郊所懷緩伊鬱詎欲肩夷巢高  
巖瞰清江幽窟潛神蛟開曠延陽景迴薄攢林梢西亭  
構其巔反宇臨呀庑背瞻星辰興下見雲雨交惜非吾  
鄉土得以蔭青茅羈貫去江介世仕尚函峯故墅即澧  
川數畝均肥境臺館音茸荒丘池塘疏沈坳會有圭組

戀遂貽山林嘲薄軀信無庸瑣屑劇斗筭囚居固其宜  
厚羞久已包庭除植蓬艾隙隙音隙牖懸蠅蛸所賴山水客  
扁舟枉長梢挹沅敵清觴掇野代嘉肴適道有高言取  
樂非絲匏逍遙屏幽昧澹薄辭喧呶晨雞不余欺風雨  
聞嘒嘒再期永日間提挈移中庖

湘口館瀟湘二水所會

九疑濬傾奔臨源委縈迴會合屬空曠泓澄停風雷高  
館軒霞表危樓凌山隈茲辰始澍直凌切霽纖雲盡褰開

天秋日正中水碧無塵埃杳杳漁父吟叫叫羈鴻哀境  
勝豈不豫慮分固難裁升高欲自舒彌使遠念來歸流  
駛且廣汎舟絕沿洄

清澄  
無滓

登蒲洲石磯望橫江口潭島深迴斜對香零山  
隱憂倦永夜凌霧臨江津猿鳴稍已疎登石娛清淪日  
出洲渚淨澄明晶無垠浮暉翻高禽沈景照文鱗雙江  
滙西奔詭怪潛坤珍孤山乃北峙森爽棲靈神洄潭或

動容島嶼疑搖振陶埴茲擇土蒲魚相與隣信美非所  
安羈心屢逡巡糾糾結良可解紆鬱亦已伸高歌返故  
室自調非所欣

一起數語  
峻絕孤聳

### 南澗中題

秋氣集南澗獨游亭午時迴風一蕭瑟林影久參差始  
至若有得稍深遂忘疲羈禽響幽谷寒藻舞淪漪去國  
魂已遊懷人淚空垂孤生易為感失路少所宜索寞竟

何事徘徊祇自知誰為後來者當與此心期

言言深訴却有不能訴之情  
寥落徘徊末二語大堪喟息

遊石角過小嶺至長烏村

志適不期貴道存豈偷生久忘上封事復笑昇天行竄  
逐宦湘浦拙心劇懸旌始驚陷世議終欲逃天刑歲月  
殺憂慄慵踈寡將迎追遊疑所愛且復舒吾情石角恣  
幽步長鳥遂遐征磴迴茂樹斷景晏寒川明曠望少行  
人時聞田鶴鳴風簞冒水遠霜稻侵山平稍與人事間



益知身世輕為農信可樂居寵真虛榮喬木餘故國願  
言果丹誠四支返田畝釋志東臯耕

語如  
寒風

與崔策登西山

鶴鳴楚山靜露白秋江曉連袂度危橋縈迴出林杪西  
岑極遠目毫末皆可了重疊九疑高蒼茫洞庭小迴窮  
兩儀際高出萬象表馳景泛蘋波遙風遞寒篠謫居安  
所習稍厭從紛擾生同胥靡遺壽等彭鏗天蹇連困顛

路愚蒙怯幽眇非令親愛疎誰使心神悄偶茲遁山水  
得以觀魚鳥吾子幸淹留緩我愁腸繞

謝靈運猿鳴誠知曙谷幽光未顯巖下雲方合花  
上露猶泣語勢如峯巒起伏委有餘態柳子厚鶴  
鳴楚山靜露白秋江晚陡然直上矣連袂度危橋  
紫迴出林杪語堪入畫

夏夜苦熱登西樓

苦熱中夜起登樓獨褰衣山澤凝暑氣星漢湛光輝火  
晶燥露滋野靜停風威探湯汲陰井煬竈開重扉憑欄  
久徘徊流汗不可揮莫辨亭毒意仰訴璿與璣諒非姑

射子靜勝安能希

覺衰

久知老會至不謂便見侵今年宜未衰稍已來相尋齒  
疎髮就種奔走力不任咄此可奈何未必傷我心彭聃  
安在哉周孔亦已沈古稱壽聖人曾不留至今但願得  
美酒朋友常共斟是時春向暮桃李生繁陰日照天正  
綠杳杳歸鴻吟出門呼所親扶杖登西林高歌足自快  
商頌有遺音

未數語寫得興濃自謂  
適情正其愁緒種種

哭連州凌員外司馬

廢逐人所棄遂為鬼神欺才難不其然卒與大患期凌  
人古受氏吳世夸雄姿寂寞富春水英氣方在斯六學  
誠一貫精義窮發揮著書逾十年幽蹟靡不推天庭挾  
高文寓字若波馳記室征西府宏謀耀其奇輜軒下東  
越列郡蘇疲羸宛宛凌江羽來棲翰林枝孝文留弓劍  
中外方危疑抗聲促遺詔定命由陳辭徒隸肅曹官征

賦參有司出守烏江潯老遷湟水湄高堂傾故國葬祭  
限囚羈仲叔繼幽淪狂叫唯童兒一門既無主焉用徒  
生為舉聲但呼天孰知神者誰泣盡目無見腎傷足不  
持溘死委炎荒臧獲守靈帷平生負國譴骸骨非敢私  
蓋棺未塞責孤旄凝寒颼念昔始相遇腑腸為君知進  
身齊選擇失路同瑕疵本期濟仁義今為衆所嗤臧名  
竟不試世義安可支恬死百憂盡苟生萬慮滋顧予九  
逝魂與子各何之我歌誠自慟非獨為君悲

兇號慟哭是其所  
宜故其滯哀皆盡

獨覺

覺來窓牖空寥落雨聲曉良遊怨遲暮末事驚紛擾為  
問經世心古人誰盡了

末二語名  
言通恨

旦携謝山人至愚池

新沐換輕幘曉池風霧清自諧塵外意况與幽人行霞  
散衆山迴天高數鴈鳴機心付當路聊適羲皇情

起調迴仄霞散  
二韻氣韻高標

首春逢耕者

南楚春候早餘寒已滋榮土膏釋原野百蟄競所營綴  
景未及郊穡人先耦耕園林幽鳥嘯渚澤新泉清農事  
誠素務羈囚阻平生故池想蕪沒遺畝當榛荆慕隱既  
有繫圖功遂無成聊從田父言款曲陳此情眷然撫耒  
耜迴首煙雲橫

末數語極態款之致  
覺此哀憫然一往

溪居

久為簪組累，幸此南夷謫。  
間依農圃隣，偶似山林客。  
曉耕翻露草，夜榜北孟切響溪石。  
來往不逢人，長歌楚天碧。

音如琢玉

夏初雨後尋愚溪

悠悠雨初霽，獨繞清溪曲。  
引杖試荒泉，解帶圍新竹。  
沈吟亦何事，寂寞固所欲。  
幸此息營營，嘯歌靜炎燠。

引杖二語有寫作



秋曉行南谷經荒村

杪秋霜露重晨起行幽谷黃葉覆溪橋荒村唯古木寒  
花疎寂歷幽泉微斷續機心久已忘何事驚麋鹿

雨後曉行獨至愚溪北池

宿雲散洲渚曉日明村塢高樹臨清池風驚夜來雨予  
心適無事偶此成賓主

高樹二語

高韻卓出

中夜起望西園值月上

覺聞繁露墜開戶臨西園寒月上東嶺冷冷踈竹根石  
泉遠逾響山鳥時一喧倚檻遂至旦寂寞將何言

語有景趣然此等景趣  
在冥心獨悟者領之

茆簷下始栽竹

瘴茆葺為宇溽暑恒侵肌適有重脰疾蒸鬱寧所宜東  
鄰幸導我樹竹邀涼颼欣然愜吾志荷鍾西巖垂楚壤  
多怪石墾鑿力已疲江風忽云暮興曳還相追蕭瑟過  
極浦旖旎附幽墀貞根期永固貽爾寒泉滋夜窓遂不

掩羽扇寧復持清泠集濃露枕簟淒已知網蟲依密葉  
晚禽棲迴枝豈伊紛囂間重以心慮怡嘉爾亭亭質自  
遠棄幽期不見野蔓草蒨蔚有華姿諒無凌寒色豈與

青山辭

栽竹種木數首寫得  
深穩所謂本色當家

種仙靈毗

窮陋開自養癘氣劇囂煩隆冬乏霜霰日夕南風溫杖  
藜下庭際曳踵不及門門有野田吏慰我飄零魂及言

有靈藥近在湘西原服之不一旬瘳皆騰蹻笑拊前  
即更為我擢其根蔚蔚遂充庭英翹忽已繁晨起自採  
曝杵臼通夜喧靈和理內藏攻疾貴自源擁覆逃積霧  
伸舒委餘暄竒功苟可徵寧復資蘭蓀我聞畸人術一  
氣中夜存能令深深息呼吸還歸跟疎放固難效且以  
藥餌論痿者不忘起窮者寧復言神哉輔吾足幸及兒

女奔

題一作卷

種朮

守間事服餌採朮東山阿東山幽且阻疲苾煩經過戒  
徒斲靈根封植閔天和違爾澗底石徹我庭中莎土膏  
滋玄液松露墜繁柯南東自成畝繚繞紛相羅晨步佳  
色媚夜眠幽氣多離憂苟可怡孰能知其他爨竹茹芳  
葉寧慮瘵與瘥留連樹蕙辭婉婉采薇歌悟拙甘自足  
激清愧同波單豹且理內高門復如何

種白蓂荷

血蟲化為癘夷俗多所神銜猜每腊毒謀富不為仁疏

巢自遠至杯酒盈肆陳言甘中必苦何用知其真華潔  
事外飾尤病中州人錢刀恐賈害饑至益逡巡竄伏常  
戰慄懷故逾悲辛庶民有嘉草攻禴事久泯炎帝垂靈  
編言此殊足珍崎嶇乃有得託以全予身紛敷碧樹陰  
眄睠心所親

結語  
苦趣

植靈壽木

白華鑒寒水怡我適野情前趨問長老重復欣嘉名寔

連易衰朽方剴謝經營敢期齒杖賜聊且移孤莖叢萼  
中競秀分房外舒英柔條乍反植勁節常對生循翫足  
忘疲稍覺步武輕安能事剪伐持用資徒行

戲題堦前芍藥

凡卉與時謝妍華麗茲辰歌紅醉濃露窈窕留餘春孤  
賞白日暮暄風動搖頻夜牕藹芳氣幽卧知相親願致  
溱洧贈悠悠南國人

自衡陽移桂十餘本植零陵所住精舍

謫官去南裔清湘繞靈岳晨登薰葭岫霜景霽紛濁離  
披得幽桂芳本欣盈握火耕困煙燼薪採久摧剝道旁  
且不顧岑嶺况幽邈傾筐壅故壤棲息期鸞鷟路遠清  
涼宮一雨悟無學南人始珍重微我誰先覺芳意不可  
傳丹心徒自渥

紅蕉

晚英值窮節綠潤含朱光以茲正陽色窈窕凌清霜遠  
物世所重旅人心所傷迴暉眺林際戚戚無遺芳



子厚詠物絕去  
芬嫵獨抒清素

### 苦竹橋

危橋屬幽逕繚繞穿疎林  
逆籜分苦節輕筠抱虛心  
俯瞰涓涓流仰聆蕭蕭吟  
差池下烟日嘲啗鳴山禽  
諒無要津用棲息有餘陰

### 田家三首

田家三首直欲與陶相上下  
第陶趣恬澹柳趣酸楚此各其性情所會

蓐食徇所務驅牛向東阡  
雞鳴村巷白夜色歸暮田札

札耒耜聲飛飛來烏鳶竭茲筋力事持用窮歲年盡輸  
助徭役聊就空自眠子孫日以長世世還復然

雞鳴村巷白  
夜色歸暮田  
此語何必減  
陶三復之  
覺冲美可貴  
子孫日以長  
世世還復然  
此是唐

人作  
用

籬落隔烟火農談四鄰夕庭際秋蟲鳴疎麻方寂歷蠶  
絲盡輸稅機杼空倚壁里胥夜經過難忝事筵席各言  
官長峻文字多督責東鄉後租期車轂陷泥澤公門少  
推恕鞭扑恣狼藉努力慎經營肌膚真可惜迎新在此

歲惟恐踵前跡

一起四  
語如繪

古道饒蒺藜紫迴古城曲  
蓼花被隄岸陂水寒更淥是  
時收穫竟落日多樵牧風高榆柳疎  
霜重梨棗熟行人  
迷去住野鳥競棲宿田翁笑相念  
昏黑慎原陸今年幸  
少豐無厭饘與粥

起語景色絕佳寫  
到至處殆無遺歎

飲酒

今旦少愉樂起坐開清樽舉觴酌先酒遣我驅憂煩須  
臾心自殊頓覺天地暄連山變幽晦淥水涵晏溫藹藹  
南郭門樹木一何繁清陰自可庇竟夕聞佳言盡醉無  
復辭偃卧有芳蓀彼哉晉楚富此道未必存

同一飲酒陶令趣真子厚  
趣假此其中國不可強

讀書

幽沈謝世事俛默窺唐虞上下觀古今起伏千萬途偶  
欣或自笑感戚亦以吁縹帙各舒散前後互相逾瘴疴

擾靈府日與往昔殊臨文乍了了徹卷兀若無竟夕誰  
與言但與竹素俱倦極更倒卧熟寐乃一蘇欠伸展支  
體吟咏心自愉得意適其適非願為世儒道盡即開口  
蕭散捐囚拘巧者為我拙智者為我愚書史足自悅安  
用勤與劬貴爾六尺軀勿為名所驅

寫出真  
境最得

### 三良

束帶值明后顧盼流輝光一心在陳力鼎列夸四方款

款效忠信恩義皎如霜生時亮同體死沒寧分張壯軀  
閉幽隧猛志填黃腸殉死禮所非況乃用其良霸基弊  
不振晉楚更張皇疾病命固亂魏氏言有章從邪陷厥  
父吾欲討彼狂

精警遂不覺  
議論之煩

詠荆軻

燕秦不兩立太子已為虞千金奉短計匕首荆卿趨窮  
年徇所欲兵勢且見屠微言激幽憤怒目辭燕都朔風

動易水揮爵前長驅函首致宿怨獻田開版圖炯然耀  
電光掌握固正夫造端何其銳臨事竟趙趙長虹吐白  
日倉卒反受誅按劍赫憑怒風雷助號呼慈父斷子首  
狂走無容軀夷城焚七族臺觀皆焚汚始期憂患弭卒  
動災禍樞秦王本詐力事與桓公殊奈何效曹子實謂  
勇且愚世傳故多謬太史徵無且

愛其  
簡繁

掩役夫張進骸

生死悠悠爾一氣聚散之偶來紛喜怒奄忽已復辭為  
役孰賤辱為貴非神竒一朝續息定枯朽無妍媸生平  
勤皂櫪剝秣不告疲既死給輅槨葬之東山基奈何值  
崩湍蕩析臨路垂髡然暴百骸散亂不復支從者幸告  
余睠之涓然悲猶虎獲迎祭犬馬有益惟佇立唁爾魂  
豈復識此為畚鍤載埋瘞溝瀆護其危我心得所安不  
謂爾有知掩骼著春令茲焉適其時及物非吾輩聊且  
顧爾私



稱哀語悽非  
為詩作也

七言古詩

楊白花

楊白花風吹度江水坐令宮樹無顏色  
搖蕩春光千萬里茫茫曉日下長秋  
哀歌未斷城鴉起

校本詞  
覺雅

漁翁

漁翁夜傍西巖宿曉汲清湘然楚竹  
烟銷日出不見人

欵乃一聲山水綠迴看天際下中流巖上無心雲相逐

欵乃一聲山水綠此是淺句  
巖上無心雲相逐此是淺意

### 七言律詩

同劉二十八哭呂衡州兼寄江陵李元二侍御  
衡岳新摧天柱峰士林顛顚泣相逢祇令文字傳青簡  
不使功名上景鍾三畝空留懸磬室九原猶寄若堂封  
遙想荊州人物論幾迴中夜惜元龍

登柳州城樓寄漳汀封連四州

城上高樓接大荒，海天愁思正茫茫。  
驚風亂颭芙蓉水，密雨斜侵薜荔牆。  
嶺樹重遮千里目，江流曲似九迴腸。  
共來百越文身地，猶自音書滯一鄉。

語氣  
太直

### 五言排律

奉和楊尚書彬州追和故李中書夏日登北樓

十韻之作依本詩韻次用

楊於陵  
李吉甫

郡樓有遺唱，新和敵南金。  
境以道情得，人期幽夢尋。  
層

軒閣炎暑迴野恣窺臨鳳去徽音續芝焚芳意深游鱗  
出陷浦唳鶴遶仙岑風起三湘浪雲生萬里陰宏規齊  
德宇麗藻競詞林靜契分憂術間同達客心驛驢當遠  
步鷓鴣莫相侵題鷓鴣名立夏鳴則衆芳  
歇猶曉邪所蔽不得進也今日登高處  
還聞梁甫吟

酬婁秀才寓居開元寺早秋月夜病中見寄

客有故園思瀟湘生夜愁病依居士室夢繞羽人丘味  
道憐知己遺名得自求壁空殘月曙門掩候蟲秋謬委

雙金重難徵雜佩酬碧霄無枉路徒此助離憂

七言絕句

柳州二月榕葉落盡偶題

宦情羈思共悽悽春半如秋意轉迷山城過雨百花盡  
榕葉滿庭鶯亂啼

酬曹侍御過象縣見寄

破額山前碧玉流騷人遙駐木蘭舟春風無限湘瀟意  
欲採蘋花不自由

語有  
騷情

柳州寄京中親故

林邑山聯瘴海秋  
牂牁水向郡前流  
勞君遠問龍城地  
正北三千到錦州

末語  
堪悲

附李約過華清宮  
君王遊樂萬幾輕  
一曲霓裳四海兵  
玉輦昇天人已盡  
故宮猶有樹長生  
意多說盡

唐詩鏡卷三十七